



Broj: 01/1-02-2950/16
Breza, 28.12.2016.godine

Z A P I S N I K

sa KONSTITUIRAJUĆE SJEDNICE Općinskog vijeća, održane dana 23.11.2016. godine sa početkom u 16,⁰⁰ sati u prostorijama Općine Breza-sala Općinskog vijeća.

Sjednicom je predsjedavao najstariji vijećnik novoizabranog saziva Općinskog vijeća vijećnik Sokić Dževahid.

Na početku sjednice dao je uvodnu riječ o rezultatima provedenih izbora održanih 02.10.2016. godine. Podsjetio je da je na izborima za Općinsko vijeće učestvovalo 9 političkih stranaka. Na listama političkih subjekata bilo je 214 kandidata od kojih je voljom građana izabran 21 vijećnik. Uputio je čestitke novoizabranim vijećnicima kao i Općinskom načelniku Munibu Zaimoviću i zaželio uspješan rad. Napomenuo je da u ovom sazivu vijeća imaju četiri dame što je samo 15% od izabranih. U aktuelnom sazivu vijeća izabrano je 6 vijećnika koji su u radu vijeća učestvovali u predhodnim sazivima Općinskog vijeća što je dobro radi održavanja kontinuiteta rada vijeća. Osvrnuo se i na kvalifikacionu i starosnu strukturu aktuelnog saziva te konstatovao da su ispunjene sve pretpostavke za kvalitetan rad Općinskog vijeća. Isto tako upoznao je prisutne o broju osvojenih mandata po političkim subjektima. Upoznao je vijeće da je vijećnik Babović Anes istupio iz stranke A-SDA-a te nastupa kao Nezavisan kandidat. U svom daljem izlaganju istakao je činjenicu da je vijećnik SDA Mirza Ahmedspahić dobio 763 glasa što je rekord dosadašnjih izbora a najmanji broj glasova dobio je vijećnik Kadrić Memsud koji je osvojio 70 glasova, što ne umanjuje njihove nadležnosti utvrđene zakonskom regulativom.

Zatim je pozdravio i izrazio dobrodošlicu dosadašnjem predsjedavajućem Općinskog vijeća Miri Vrljičku.

Izvršena je prozivka prisutnih vijećnika te je konstatovano da sjednici Općinskog vijeća prisustvuje 21 vijećnik.

Osim vijećnika sjednici vijeća su prisustvovali: Općinski načelnik, pomoćnici općinskog načelnika, općinski pravobranilac, predsjednici parlamentarnih stranaka i predstavnik javnog informisanja Radio Breze.

Po izvršenoj prozivci predsjedavajući Općinskog vijeća predložio je dnevni red kao u sazivu.

Primjedbu na predloženi dnevni red dao je vijećnik Avdić Edin, koji je predložio da se dnevni red dopuni sa tačkom o donošenju Zaključka o terminu održavanja sjednica Općinskog vijeća.

Pristupilo se glasanju za predloženi dnevni red sa datom dopunom od strane vijećnika Avdić Edina.

Nakon provedenog postupka glasanja konstatovano da je sa 21 glasa ZA ,bez protiv i suzdržanih usvojen slijedeći:

DNEVNI RED

1. Davanje svečane izjave vijećnika Općinskog vijeća i Općinskog načelnika.
2. Imenovanje Komisija za izbor, imenovanja i administrativne poslove.
3. Imenovanja Biračkog odbora za sprovođenje izbora predsjedavajućeg Općinskog vijeća i zamjenika predsjedavajućeg Općinskog vijeća .
4. Izbor predsjedavajućeg Općinskog vijeća i zamjenika predsjedavajućeg Općinskog vijeća.
5. Donošenje zaključka o terminu održavanja sjednica Općinskog vijeća Breza.

Ad 1.

Pristupilo se davanju svečane izjave novoizabranih vijećnika i Općinskog načelnika Općine Breza, koji su istu potpisali.

Poslije davanja svečane izjave prešlo se na drugu tačku dnevnog reda.

Ad 2.

Imenovanje Komisija za izbor, imenovanja i administrativne poslove.

Predsjedavajući Općinskog vijeća upoznao je vijećnike sa prijedlozima za članove Komisije za izbor, imenovanja i administrativne poslove, predloženih na sastanku predsjednika klubova parlamentarnih stranaka.

- Sokić Dževahid predsjednik kluba SPU i BPS-a predlaže da Komisiju za izbor i imenovanja sačinjavaju dva vijećnika iz stranke SDA, dva vijećnika ispred SBB-a i jedan vijećnik ispred stranke za BiH.
- Namik Muratović predsjednik kluba SBB-a predlaže da Komisiju za izbor i imenovanja sačinjavaju dva vijećnika iz SDA, dva vijećnika ispred SBB-a, jedan vijećnik ispred GDS-a i Nezavisnog vijećnika.
- Buljetović Čamil predsjednik kluba SDP-a i DF-a predlaže da Komisiju za izbor i imenovanja sačinjavaju dva vijećnika iz SDA, dva vijećnika ispred SBB-a, jedan vijećnik ispred DF-a i SDP-a.

Dogovoreno je da se Općinsko vijeće izjasni o naprijed navedenim prijedlozima ispred kojih političkih partija će biti imenovana Komisija za izbor, imenovanja i administrativne poslove.

Predsjednik kluba SDP-a i DF-a Čamil Buljetović odustao je od svog prijedloga predloženog na sastanku predsjednika klubova parlamentarnih stranaka te predlaže da Komisiju za izbor i imenovanja sačinjavaju tri vijećnika iz stranke SDA i SBB-a, jedan vijećnik ispred DF-a i SDP-a i jedan vijećnik ispred stranke za BiH, kako bi obezbjedili učešće svih parlamentarnih stranaka koje su dobile mandat u Općinskom vijeću.

Predsjednik kluba SBB-a predlaže da se vijeće izjasni o datim prijedlozima.

U nastavku se pristupilo glasanju za prijedlog predsjednika kluba SPU-a i BPS-a Sokić Dževahida da Komisiju za izbor, imenovanja i administrativne poslove sačinjavaju dva vijećnika iz SDA, dva vijećnika iz SBB-a i jedan vijećnik iz stranke za BiH.

Prijedlog nije dobio potrebu većinu (19 suzdržano i 2 glasa protiv).

Zatim se glasalo za prijedlog Muratović Namika predsjednika kluba SBB-a, da Komisiju za izbor, imenovanje i administrativne poslove sačinjavaju dva vijećnika iz stranke SDA, dva vijećnika ispred SBB-a, jedan vijećnik ispred GDS-a i Nezavisnog vijećnika.

Nakon provednog postupka glasanja konstatovano je da je za prijedlog glasalo 12 glasova ZA, 5 protiv i 4 suzdržana.

Prijedlog Buljetović Ćamil predsjednika kluba SDP-a i DF-a koji je predložio da komisiju sačinjavaju tri vijećnika iz stranke SDA i SBB-a, jedan vijećnik ispred DF-a i SDP-a i jedan vijećnik ispred SzaBIH.

Prijedlog nije dobio potrebnu većinu (8 ZA, 1 protiv, 12 suzdržanih).

Predsjedavajući Općinskog vijeća Sokić Dževahid konstatovao je da je usvojen prijedlog da Komisiju za izbor, imenovanja i administrativne poslove sačinjavaju dva vijećnika iz SDA, dva vijećnika ispred SBB-a, jedan vijećnik ispred GDS-a i Nezavisnog vijećnika.

Predsjednici klubova dostavili su prijedloge kandidata za članove Komisije za izbor, imenovanja i administrativne poslove i to:

1. Bašić Mirnes - SDA
2. Muratović Asim - SDA
3. Muratović Namik - SBB
4. Zaimović Anes - SBB
5. Kadrić Memsud – GDS i Nezavisni vijećnik

Nakon toga pristupilo se glasanju za date prijedloge.

Poslije provedenog postupka glasanja konstatovano, da je prijedlog usvojen sa 16 glasova ZA.

Vijećnik Ćamil Buljetović dao je komentar na izbor i rad stranke GDS-a, odnosno da pomenuta stranka već deset godina nije održala Skupštinu stranke. Predlaže da umjesto predstavnika GDS-a u Komisiju za izbor, imenovanja i administrativne poslove predlože drugog kandidata. Traži da se ova konstatacija unese u zapisnik.

Predsjedavajući OV prihvatio je intervenciju vijećnika Buljetović Ćamila ali i ističe da Općinsko vijeće nema mandat da ocjenjuje rad političkih partija. Na općinskim izborima ovaj politički subjekat legalno se prijavio te učestvovao u izbornom procesu i osvojio ovaj mandat što je Centralna izborna komisija i potvrdila.

Ad 3.

Imenovanje Biračkog odbora za sprovođenje izbora predsjedavajućeg Općinskog vijeća i zamjenika predsjedavajućeg Općinskog vijeća.

Vijećnik Arif Sirotanović za predsjednika Biračkog odbora za sprovođenje izbora predsjedavajućeg Općinskog vijeća i zamjenika predsjedavajućeg Općinskog vijeća predlaže Ćamila Buljetovića.

Vijećnik Ćamil Buljetović je predloženu kandidaturu odbio.

Shodno dogovoru predsjednika klubova parlamentarnih stranaka, predsjedavajući Općinskog vijeća predložio je članove u sastav Biračkog odbora za sprovođenje izbora predsjedavajućeg i zamjenika Općinskog vijeća:

1. Asim Muratović, predsjednik odbora,
2. Babović Anes, član,
3. Beširević Selma, član.

Primjedbi za predložene kandidate nije bilo te se pristupilo glasanju za iste.

Nakon provedenog postupka glasanja konstatovano, da je vijeće sa 17 glasova ZA, 4 sudržana glasa, bez protiv, usvojilo dati prijedlog.

Ad 4.

U nastavku sjednice pristupilo se izboru predsjedavajućeg Općinskog vijeća i zamjenika predsjedavajućeg Općinskog vijeća .

U ostavljenom roku SDA u pisanoj formi predložila je Jusić Vedada za predsjedavajućeg Općinskog vijeća.

Vijećnik Sirotanović Arif na samoj sjednici predložio je Sokić Dževahida za predsjedavajućeg Općinskog vijeća.

Predsjednik kluba GDS-a i Nezavisnog kandidata Babović Anesa za zamjenika predsjedavajućeg Općinskog vijeća, predložili su Kadrić Memsuda.

Predsjednik kluba SBB-a Namik Muratović zatražio je pauzu radi dogovora.

U nastavku sjednice pristupilo se izboru predsjedavajućeg i zamjenika predsjedavajućeg Općinskog vijeća.

Birački odbor je zadužio neophodni materijal za izbor predsjedavajućeg i zamjenika predsjedavajućeg Općinskog vijeća, te je u nastavku obavljen postupak izbora.

Nakon provedenog postupka izbora, predsjednik biračkog odbora Asim Muratović saopštio je rezultate glasanja.

Kandidat Jusić Vedad dobio je 15 glasova.

Sokić Dževahid dobio je 5 glasova, jedan glasački listić je bio nevažeći.

Za zamjenika predsjedavajućeg Općinskog vijeća izabran je Kadrić Memsud koji je dobio 15 glasova ZA, 5 protiv, 1 nevažeći glasački listić.

Potom je riječ data predsjedavajućem Općinskog vijeća u prošlom sazivu Miri Vrljičku koji je uputio čestitke i zaželio uspješan rad novoizabranim vijećnicima u Općinskom vijeću i Općinskom načelniku. Takođe je izrazio žaljenje zbog jednonacionalnog sastava Općinskog vijeća.

Predlaže novoizabranim vijećnicima da u svom radu obrate pažnju i na potrebe i interese građana drugih nacionalnosti.

U nastavku sjednice, novoizabrani predsjedavajući Općinskog vijeća Jusić Vedad preuzeo je vođenje sjednice Općinskog vijeća te se zahvalio vijećnicima na ukazanom povjerenju i zaželio uspješan rad Općinskom vijeću.

Vijećnik Bajrić Fetah uz saglasnost predsjedavajućeg napustio je sjednicu u 17:15 sati.

Ad 5.

Donošenje Zaključka o terminu održavanja sjednice Općinskog vijeća Breza.

Shodno dogovoru predsjednika klubova parlamentarnih stranaka, predsjedavajući Općinskog vijeća predložio je sljedeći

ZAKLJUČAK

I

DA SE redovne sjednice Općinskog vijeća održavaju srijedom, sa početkom u 16,30 sati.

Nakon pravednog postupka glasanja Zaključak je usvojen jedoglasno sa 20 glasova ZA.

Ovim je iscrpljeni dnevni red konstituirajuće sjednice Općinskog vijeća Breza, koja je sa radom završila u 17,30 sati.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegovi

PREDSJEDAVAJUĆI
Općinskog vijeća
Vedad Jusić